

**Protocol da la sezzüda dal Cussagl cumünal da lündeschdi,
10 avuost 2009, a las 20.00, acta 27**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractandas:

235. Protocol

Il Cussagl cumünal approva il protocol da la sezzüda dals 3 avuost 2009, acta 26.

Protocol

236. Orientaziuns

Orientaziuns

1. Departamaint da scoula

La scoula da musica spordscha a la 2. scouline ed a la 1. classa per ün predscha pauschal da fr. 1'500.-- instrucziun da musica in scoula e quai davos l' instrucziun normala. 10 uffants s'han annunzchats. Il Cussagl cumünal decida, sün proposta dal Cussagl da scoula, d'introdüer a Sent quista sporta per ün on da prouva.

2. Immundizchas

In fond controllas illas deponias cumünalas as haja constatà chi saja, illa deponia da Plaz, deponà sachts inufficials ed eir büttà s-chart na separà (chartun, palperi e roba bloccanta). Las adressas dals delinquents sun cuntschaintas ed els vegnan contactats per tour posiziun e varan da far quint cun ün chasti.

237. Sböz ledscha promoziun 1. abitaziuns e direcziun 2. abitaziuns

Il Cussagl cumünal discuta las correcturas fattas vi dal sböz da la ledscha per la promoziun 1. abitaziuns e direcziun 2. abitaziuns. Il sböz vain uschè approva ed el vain publichà aint il prossem Mas-chalch.

Ledscha promoziun
1. abitaziuns e
direcziun 2. abitaziuns

238. Protecziun cunter lavinas in Sinestra

Il schef da god orientescha sur dal rapport fat tras l'Uffizi da god a regard la protecziun cunter lavinas i'l cuntegn da l'hotel Val Sinestra. 3 variantas stan a disposiziun:

Protecziun cunter
lavinas, Sinestra

1. varianta: Construir ün cuntschet pro la storta davant l'hotel.
Cuosts fr. 370'000.--.
2. varianta: Construir davent da la punt da fier üna nouva via fin pro l'hotel.
Cuosts fr. 235'000.--.
3. varianta: Tagliar la storta chi va dal Berghaus sül hotel plü bod.
Cuosts fr. 320'000.--.

Il Cussagl cumünal preferischa la varianta 2, ouravant sto però gnir fat amo ün stüdi geologic dal terrain, nöglia chi detta plü tard gronds cuosts da mantegnimaint. Subvenziuns davart l'Uffizi da god per la via sun da spettar tanter 80 – 85 %.

239. Bùgls

Bùgls

Il schef d'aua orientescha al Cussagl cumünal cha da plü bod d'eiran ils bùgls classificats in classas e cha mincha possessur da chasa saja stat in dovair da's cumprar aint (ledscha dal 1906). La situaziun dad hoz muossa cha da 20 bùgls es be quel da Crusch in possess privat, tuot tschels bùgls sun, daspö l'introducziun dal cudesch fundiari federal, in possess dal cumün politic. Quella jada nun han las bavradoiras plü fat valair, tenor infuormaziuns dal cudesch fundiari, lur vegls drets.

Il Cussagl cumünal es da l'avis da chattar üna soluziun per mantegner inavant la tradiziun e las cumünanzas (bavradoiras) dals bùgls. Perquai vain decis da clomar aint las bavradoiras ad üna sezzüda per chattar insembel üna soluziun satisfaziunta.

240. Diversas schefs

Diversas schefs

1. Società da chatschaders Tardanna

Als 26 avuost 2009 ha lö üna radunanza da la Società da chatschaders Tardanna. Il president da la società, Georg Salomon, vules savair sco chi sta il stadi actual da la sanaziun dal tir in Parnarsura.

Il schef da fabrica orientescha chi aintran uossa lura las offertas per la lavur. La revitalisaziun dal tir e 2 chaistas per tschüffer sü ils tuns vegnan surtuts dal cumün. La società es respunsabla pel mantegniment dal tir e da las chaistas.

Trar pon be commembers da la società e quels chi han domicil a Sent.

2. Festival da teater

L'organisaziun dal festival da teater dumonda scha'l cumün metta a disposiziun ün provisorium per la forza electrica. Talas installaziuns han da gnir installadas e pajadas dal organisatur.

3. Departamaint da trafic

Il Cussagl cumünal constatta chi sajan gnüdas fattas pacas controllas da parcar. Cun quai cha las incumbenzas da las pulizias cumünalas van via a la pulizia chantunala sun ils pulizists cumünals in dovair da retrar plü svelt lur vacanzas. Las controllas ston però istess gnir intensivadas.

Fin da la sezzüda: 23.35

L'actuar: